

Gveicouh Gvangjsih Dungcuz Hagseng Angq Senj Haeuj Hagdangz Moq

黔桂侗娃喜迁新学堂

2 nied 15 hauh, aen hagdangz moq Genz Gvei Dwnghsai Siujyoz youz Gvangjsih Sanhgyangh Dungcuz Swiyen caeuq Gveicouh Lizbingz Yen lienzhah guh neix gawjhengz guhbaenz gingdenj, song aen swngj gih cien boux Dungcuz beixnuengx comz daeuj aeu boqvenz, caijdangz, golaux Dungcuz, dohyeh, ngaizbakgya daengj lai cungj lai yiengh cezmuuz, angqhoh gienh saeh hung neix.

Genz Gvei Dwnghsai aen mbanj Dungcuz neix dwg “Gveicouh Gvangjsih caemh mbanj”, dwg Gveicouh Swngj Lizbingz Yen Lungngwz Cin Dwnghsai Cunh guenj, caemh dwg Gvangjsih Sanhgyangh Dungcuz Swiyen Fuluz Myauzcuz Yangh Fuluz Cunh guenj. Aen hag neix ciemq dieg mienhcik 2000 lai bingzfanghmij, caepguh mienhcik 800 lai bingzfanghmij, gungh okngaenz 208 fanh maenz, seizneix miz hagseng 68 vunz (vunz Gvangjsih 15 boux), lauxsae 3 boux (Gvangjsih boux ndeu).

(Gungh Bujgangh/龚普康)



▲ Hagseng youq ndaw hagdangz moq doegsaw.



▲ Aen hag moq.

Yungjfuz: Yauzcuz Beixnuengx Senj Ok Luegbya Youqhaeuj Ranzlaeuz Moq

永福: 瑶胞走出“大石山”住进新楼房

1 nyied 21 hauh, duiq Yungjfuz Yen Gvangjfuz Yangh Gvangjfuz Cunh Mbanj-dasizsanh 25 hoh Yauzcuz beixnuengx ma naeuz, gaenq dwg liggaeuq siujnienz, youh dwg gyoengqde ngoenz ndei he. Ngoenzneix, gyoengqde cungjsuenq angqwtwt dwk senj ok aen mbanjbya deng aen bya hung dangj le daih dem daih haenx, buen bae daengz dieg bingz gaenh raemx gaenh loh anyouq.

Ciuq gaisau, 2014 nienz seizcou, Yungjfuz Yenveij, Yen Cwngfuj cingqsik haiguh Mbanjdasizsanh hong senj mbanj. Swcigih Nungzcunh Sinyungse Lenzhozse gien cienz 100 lai fanh maenz. Vih gaijgez gyoengq Yauzcuz beixnuengx guhhong vwndiz, dang-dieg dangjveij, cwngfuj dawz aen mbanj moq neix guh youq ndaw lijyouzgih cingqcaih laebguh haenx, giujmiuq dwk dawz Yauzcuz vwnzva swhyenz caeuq lijyouz canjyez yungzhab hwnjdaeuj fazcanj, yienghneix miz muengh ndaej gaijgez gyoengq Yauzcuz beixnuengx miz hong guh, youh ndaej coicaenh ginggih lijyouz fazcanj aen muzbyauh songhingz neix.

(Dangz Yijhungz/唐雨虹)



▲ Buen haeuj mbanjmoq yienhciengz.

Yungzsuij: Boux Simndei Gvansim Lwghag Mbanjmyauz

融水: 爱心人士关心苗寨学子



2 nyied 16 hauh, Yungzsuij Myauzcuz Swciyen Lungz Myauz, Siuh Hanyungz, Liu Gwzyih daengj boux simndei haenx bae daengz Yungzsuij Myauzcuz Swciyen Hungzsuij Yangh Cinminz Cunh Siujyoz haiguh simndei gienbang hozdung, hawj hagseng gien daehsaw, bonjbuengj, bit daengj doxgaiq, gujli gyoengq hagseng roengzrenz hagsib, ndaejdaengz daengx hag lauxsae hagseng angqcoux haenhndei.

(Liu Swjyenh/廖子渊)

◀ Bouxsimndei gien doxgaiq hawj hagseng.



▲ Bouxcoz neix gaisau gij gingniemh cauhnieb de hawj vunzlai.

Gangj Ndei Goj-gaeq Cauhnieb

讲好创业故事

2 nyied 17 hauh, Luzcai Yen Luzcai Cin bouxcoz dauqma ranzmbanj cauhnieb haenx gaisau gij dijvei gauhyau nungzyeiz fazcanj de hawj vunzlai dingq. Bineix, aen yienh neix doi ok haujlai hangh cwngcwz ndei gujli gyoengq bouxcoz okroeg bae dajgoeng haenx dauqma ranzmbanj cauhnieb, doengzseiz, ndaw yienh cujciz haiguh aen hozdung “Bouxcoz caijfangj bouxcoz, gangj ndei gij gojgaeq cauhnieb”, doenggyaq guh denjhingz senhconz, hawj bouxcoz siengj ma ranzmbanj cauhnieb haenx dwkhai lohnaemj, ma ranzmbanj ra diuzroen fazcanj moq.

(Lai Genveih/赖建辉)